



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. XCII. Bonum est confiteri Domino, & psallere, &c. Carm. gen. 3.

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

Faxo uirenti robore transfigat
Seræ senectæ tempora suauiter:
Meosq; monstrabo beare
Qua soleam ratione amicos.

PSAL. XCII. Bonum est confiteri Domino,
et psallere, etc. Carm. gen. 3.

TE prædicare, laudibus prosequi,
Rex alme cælitum decet:
Seu sol Eo a luce terras purpuret,
Seu nox tenebris obruat.
Lux prædicantem me tuam clementiam,
Nox audiet constantiam:
Nec uoce tantum, sed canora barbito,
Sed cymbalo, sed nabho.
Operum tuorum tacita cogitatio
Animum iacentem exsuscitat.
Quum facta reputo, gestiunt præcordia
Perfusa dulci gaudio.
O opera, facta, o uerè magna, o sub caua
Consilia nube condita:
Consilia cæcis mentibus mortalium
Ignota: qui non cogitant
Florere prauos instar herbæ, quam fouet
Sol lenis, humor educat:
Mox instar herbæ trigorum afflatu leui
Marcentis euanelceré.
Tu semper idem permanes, nec sentiens
Rerum uices nec temporum:
Sceleris amicos ac tuos hostes premet

M ij

Ruinæ incitabilis:
 At me fouebis patria indulgentia,
 Crudo uigentem robore:
 Et rore mitis ballami uultum imbuens,
 Roseo iuuentæ lumine.
 Oculis malignis qui tuentur me hostium
 Pascam ruinis lumina
 Et impiorum qui creant molestiam
 Mihi, latus excidam audiam.
 Ceu palma, iustus germinabit interim,
 Aut Cedrus in Libani iugo,
 Quam non procellæ, non calor, non frigori
 Honore nudant frondium.
 Quæ planta firmis hæserit radicibus
 In æde Domini aut atrijs,
 Se flore amœno frondibusq; uestiet:
 Fluxi q; lapsu temporis
 Aegrè senectæ damna nulla sentiet,
 Onerata largis fructibus,
 Ut nota cunctis gentibus sit æquitas
 Domini potentis: qui meæ
 Arx est salutis una, qui nunquam male
 Affinis est iniuriæ.

PSAL. XCIII. Dominus regnauit, deco-
 rem indutus est, &c. Carm. gen. 2.

I Am Dominus rerū imperiū suscepit, amictus
 Decore multo & dignitate: robore
 Iam se se accinxit: Dominus, qui mœnia mundi
 Firmauit, ullo non mouenda sæculo.
 Cuius